



ASSERTIONIS NOTARUM
IN PROPOSITIONES V. FAMOSAS
ADVERSUS
SPONGIAM IIS OPPOSITAM
CRISIS.

PER PALLADIUM S. AUGUSTINI DISCIPULUM.

Veritate nihil potentius.

Theodor. ep. 88.



CRISIS

AD PRÆFATIONEM.

ORdiris à querimoniâ de charitate quorundam, quam vocas *laicè dictam*, qui Spongiam, *adversum se dictavere*. Ais, te *minus observaturum*, quid illos à te audire deceret, quam quid deceat se dicere illis. Enimverò plus tarris delicatulus es mi Martine, & alios fortasse tuo pede metiris. Genus hoc scribendi pugnax, nisi nervos habeat, & aculeos, languet & friget. Neque etiam tu, quantum præferre vis, rostro, unguibus, & felle careres. Documento sunt nupera in OBTRACTATOREM GALLUM. Attamen, quoniam ita adlubet, calamos conferamus modestiùs.

Præmones, non singula, quæ in spongia continentur, discessurum te; immanis enim labor foret (accedo) nec huic conformis instituto (Quidni?) summa dumtaxat legam fastigia rerum. Bellè, & expedite. Ultique magnorum est, summa impeditissimaque negotia mira facilitate conficere. Sic ille Macedo nodum gordium lotis inextricabilibus implicatum & involutum repente solvit.

AD CONCLUSIONEM PRIMAM.

TRanlis ad sententiâ Tridentinæ Synodûs prohibentis hac voce uti: *Dei præcepta homini justificato ad observandum esse impossibilia*. Mitissimè acceperam NOTAS tuas, illectus schedio, quod, de Tridentino silens, hæc tantum habet: qua

Verba (primæ propositionis) nullum sensum proprium tolerabilem, aut non damnabilem admittunt, præsertim propter illud: SUNT IMPOSSIBILIA. Hac voce nequens est Augustinus &c. ubi primo conspectu magis obviū, per vocabulum voce vocem impossibilia dumtaxat designatam arripere. At quoniam id repudias, bene habet. Vide ne fumum fugiens in ignem incidas. Jam enim, quidquid promissa reprimat modestia, falsi criminis in Jansenium impacti reus es. Evici enucleatione Capitis disputati 13. lib. 3. de gratia Christi, propositionem Jansenii toto cælo abludere ab edicto Tridentini, & cum non acquiescas, mox revincam luculentius.

Sed equidem masculè nimium, & supra vulgarem ingeniorum caput denuo rogas, Quod si de tota periodo vocem Tridentini intelligat, audebitne negare vocem eam apud sanctam Antiquitatem extare nusquam? Audeo, & ecce crudiores illam vocem apud mellitissimum Bernardum Sermone 50. in dulcissima illa Cantica. Deus, inquit, MANDANDO IMPOSSIBILIA, non prævaricatores homines fecit, sed humiles, ut omnes obstruatur, & subditus fiat omnis mundus Deo, quia ex operibus legis non justificabitur omnis caro coram illo. Quæ non eò quis per me pandita torqueat, quò Bernardum cum Tridentino committam (scio hæc vero sensu, ex adjunctis conspicuo, à Bernardo enuntiata) sed quò ostendam, quod alibi dixi, viros meritissimos ob duriores vultum non vexandos.

Objicis ergo §. 2. (nam id subodorari non erat difficile) dicturum me, si de tota periodo agitur, nusquam eā voce Jansenium usum esse. Quid tu ad hæc? Ajo ego, usum esse; & probo. Ausculto arrectis auribus. „Hæc (inquis) est vox Jansenii: præcepta quædam hominibus quibusdam justis (nempe etiam volentibus, & conantibus secundum præsentem, quas habent vires) sunt impossibilia.“ Tolle uncus vel lunulas, quibus verba (nempe etiam volentibus & conantibus secundum præsentem quas habent vires) perperam ex tuo constringis, & Jansenii vocem agnoscimus. At quid illa (queris) differe à damnata in Tridentino, DEI PRÆCEPTA HOMINI JUSTIFICATO AD OBSERVANDUM ESSE IMPOSSIBILIA? Multum per omnem modum. Quod quidem in Appendicis anatome § §. 4. & 5. perspicue demonstratum fuit, nimirum non velle Jansenium, præcepta quædam omnino esse impossibilia homini, sed tantum pro statu & viribus in quibus constitutus est, ad eoque non adstrui à Clarissimo Doctore impossibilitatem absolutam, qualem heterodoxi somniarant, sed impossibilitatem dumtaxat ex parte potentiae divino adjutorio forti satis ac valido destitutæ.

Non te fugerat hæc observatio nostra. Aliquid mussitat (inquis) de PRÆSENTIBUS VIRIBUS, & in his voculis videtur discrimen velle constituere. Non mussito, mi Martine, sed stentoreo clamore debuccino, hic palmarium discrimen securissimè delite-
scre.

Sed audiam te lepidum, neque enim semper olim tam severè frontem contraxisti. Quam libens (ait) subindicares, quod effari non audeat, propriâ reluctante notitiâ, egisse solum in ea Propositione Jansenium de impossibilitate justorum secundum quid, ut vocant, & secundum PRÆSENTES QUAS HABENT VIRES, ita ut vocula per verbo, IMPOSSIBILIA, adhareant! Nescio ubi gladiatoriam didiceris, nam faceret satis & dexterè lethalem ictum declinas, vel potius declinare te fingis. Demptâ quippe industriâ (quam quis in hoste calamario spernat) hæc strophæ plusculum crassiores sunt.

Serid igitur & enixe contendo, egisse dumtaxat Jansenium de impossibilitate secundum quid, & voculas, secundum præsentem quas habent vires, verbo impossibilia præ-

præcipuè adhaerere. Et quidem hic cardo velitationis hujus. Huc vires nostræ omnes, & copiar contrahendæ. Zegeri comma unicum, amabo te, ne moremur; ipse Janfenius, cujus causa agitur, suus interpretes sit. *Constantissima* (infin) *illius loci lectio est, neque ab ullo, quod sciam, in dubium vocata, juxtaquam istud, SECUNDUM PRÆSENTES QUAS HABENT VIRES, non vocem sequentem, IMPOSSIBILIA, afficit, sed has præcedentes, VOLENTIBUS ET CONANTIBUS, seu potius solam CONANTIBUS, ut constructio sit: JUSTIS VOLENTIBUS, ET CONANTIBUS SECUNDUM PRÆSENTES QUAS HABENT VIRES, SUNT IMPOSSIBILIA.* Quidquid alii sint opinati, ego constantissimam illam lectionem non difficulter subruo, & subiecto pulvere ad Garamanthas & Indos mitto.

Ac primò quidem, quid in hanc rem fingi potest istâ ipsius Janfenii asseveratione disertius & explicatius, quam & Appendix ingessit in os: ex hac indubitata doctrina quedam non parvi momenti huc spectantia inferuntur & clarescunt. Primum quidem, esse quadam homini præcepta, secundum statum & vires in quibus constitutus est impossibilia? Quâ methodo, vel quibus anfulis magicè inconspicuis, hic connectes verba, secundum statum, & vires in quibus constitutus est, cum voce conantibus, cujus hic nulla mentio?

Idem obscurius, sed tamen apertè satîs insinuarat præcedens & in Appendice & in Janfenio testimonium: Respondetur igitur, primam illam sententiam, quâ dicitur Deum non jubere id quod homini est impossibile, nunquam sic intellexisse Augustinum, ut Deus non possit homini præcipere, id quod propriis viribus suis implere non potest: sed solum, quod ita impossibile est, ut neque propriis neque alienis viribus, si illas in auxilium advocaveris, possit implere. Unde sæpenumero ex professo docet, Deum jubere quadam, quæ non potest homo facere, ipsumque auxilium suum subtrahere, non ut desperet homo, sed ut faciendi vires & auxilium, quibus se carere sentit, sibi imploranda esse doceatur.

Idem utrobique subsequens citatio: Secundum inferitur, non adesse semper gratiam (seu vires) quæ possimus, hoc est, quâ illa eadem præcepta implere sufficiamus.

Idem evidentius hæc verba illius de Petri viribus: quibus omnibus locis Augustinus & aliis multis passim docet, Petrum cum se pro Christo moriturum policeretur, propter defectum virium voluntatis præstare non potuisse, quod promiserat: voluntas enim ejus, hoc est, vis volendi divinitus ei data adhuc parva erat, quam oportebat esse maximam, ne mortis oblata terrore frangeretur. Ubi latet, amabo, vocabulum conantibus, ut has vires non voluntati, non potentie, sed sibi adglutinet? ad puteum Democriti se proripuit.

Et iterum. Hac igitur quoque ratio est, cur multos Deus tentari sinas & cadere. Nempe ut virium suæ voluntatis capiant experientiam, & qui illas valde magnas esse decepti putant, discant vel statim vel lapsu vel imminente periculo suo, quid facere possint, quid ferre non possint. Sic enim Petrus experientia doctus, deposuit perniciosam presumptionem, quam de suæ voluntatis viribus, seu potestate conceperat.

Sed præclarissimè §. 13. allegatâ Augustini sententiâ, voluntas autem nova quæ mihi esse caperat, ut te gratis colerem, fruique te vellem; Deus sola certa incunctitas, nondum erat idonea ad superandam priorem vetustate roboratam, subjungit: "Hoc est, nondum poterat eam quocumque liberæ voluntatis conatu superare, eo quod, videlicet ipse conatus defectu virium languidus esset, cui cælestem delectationem,

que ardorem nondum inspirasset Deus, idcircoque similis conatibus expergisci voluntium, qui tamen superati soporis altitudine remerguntur". En aperte vires à conatu separatas: eo quod, inquit, ipse conatus defeit virium, hoc est, quod non haberet presentes vires satis fortes, languidus esset.

Hinc & recitata litigiosa propositio: *Hac igitur omnia plenissime planissimeque demonstrant &c.* Explanationis vice subtextit, illam talia præcepta implendi difficultatem (Seu impossibilitatem, quæ hic apud ipsum synonyma sunt) inde proficisci, quod tres voluntatis infirmæ sint. Et aliquibus interjectis: *Ad hanc igitur sanationem voluntatis assequendam, ut, quemadmodum subinde necessarium est, fortiter, valene, atque integre velle possimus, repugnantesque libidinis, seu contrarie voluntatis motus vincere, gratiam (scu vires) invocamus, hoc ipso clarissima voce profuturæ, deesse nobis sufficientem ad illa præcepta facienda potestatem.*

Quintum, addit, ex eodem principio consuetanum est, plurimis non dari istam faciendi præcepti possibilitatem, quæ precibus implorari solet.

Ex quibus etiam non obscure patet, agere dumtaxat Jansenium de impossibilitate justorum secundum quid, & nullatenus de absolutâ: sicut enim nihil stultius, quam orare ut habeas quod est in tua potestate, ita nihil stultius quam orare ut habeas, quod impossibile sit obtinere.

Unde & celebratum illud testimonium Doctoris Angelici advocat in causam suam: *in potestate hominis esse dicatur aliquid excluso auxilio gratiæ, sic ad multa tenetur homo, quæ non potest sine gratia præparante, sicut ad diligendum Deum & proximum, & similiter ad credendum articulos fidei. Sed tamen hoc potest cum auxilio gratiæ.* Ac demum concludit: "Ex quibus conficitur, non aliter verum esse, quod Deus non jubeat impossibilia, nisi quia quæcumque jubet, hominis voluntate per omnipotentem gratiam adiuta fieri possunt, juxta illud responsum Augustini, quando eadem quæstione petebatur". *His atque hujusmodi aliis innumerabilibus testimoniis dubitare non possum, nec Deum aliquid impossibile homini præcepisse, nec Deo ad opitulandum & adjuvandum, quo fiat quod jubet, impossibile aliquid esse.* In hi, quæso, sermones sunt invehentis impossibilitatem omnimodam præceptorum Dei, Tridentinamque sententiam cum Luthero, Calvino, Melancthone similiter pestibus exsufflantis? Sic & Cyprianum Novatiani dogmatis, & Athanasium Ariani, & Augustinum Pelagiani asseclas & propugnatores, cum libuerit, proclamato.

Nihilominus etiamnum hæc flagrantioribus radiis, cum possint, illustranda sunt, ut vel cornicum oculi, quod habet parcemia, configantur. Caput 15. adornaturus vir gloriosus hoc titulo commendatum: *MULTIS MODIS PRÆCEPTA DICUNTUR POSSIBILIA, ut igitur, inquit, possibilitas præceptorum Dei, unde pendet & liberitas arbitrii, & ratio peccati, plenius intelligatur, observandum est in primis, in rebus ad vitam bonam seu pietatem spectantibus, multipliciter hominem dici, posse aliquid. Primo, per solam liberi arbitrii flexibilem facultatem, ad bonum & malum....*

Secundo, paulo propinquius dicimur posse bene vivere, omnibusque tentationibus resistere, & peccata cavere, per fidem, quamvis dilectione Dei, & actuali Dei adiutorio, internisque viribus voluntatis, de quibus ante multa diximus, careamus. Nam quamvis fides ista omnia per se nullo modo possit, quia tamen est semen orationis, per quam charitatem & gratiam adjuvantem & voluntatis vires impetrare solemus, hinc et ipsam fidem ista posse dicimur.

Quod ubi Augustini testimoniis confirmavit, Tertio, inquit, dicimur multo plenius

plenius propinquiusque posse per charitatem per quam homo justificatur. Nam charitas seu dilectio non est aliud Augustino, quam voluntas, hoc est, volitio bona: qua quamdiu deest nobis, impossibile est bene vivere, cum autem adest, posse dicimur, Voluntatis illa bona, qua per charitatem datur, initio infirma est, & multa Dei magna praecepta implere NON POTEST, nisi paulatim usque adeo munere ardentioris charitatis angeatur, UT POSSIT..... quid enim est charitas, nisi, ut Augustinus loquitur, bona voluntas, quid autem absurdius, quam voluntatem quamlibet bonam, ad omnes cupiditates devincendas satis robustam esse..... Quasi vero non super omnia Deus ab infirmis ante tentationem diligatur, qui ingruente ingenti tentatione vires eorum superante vincuntur, quam tamen fortiori charitate hoc est voluntate praeditus, non magno labore superat, imo magna facilitate contemnit. Nam hinc est quod huiusmodi peccatorum occasiones tentationisve fugere jubentur, quibus perferendis vel ipsi vel illi qui curam conscientiae illorum gerunt, vident vires illorum non esse pares.

Quarto itaque completissime dicimur posse, quando S. Spiritus inspiratione sic voluntas praeparatur, ut non nudè possit, sed etiam velit..... Hac igitur actualis gratia completum posse tribuit nobis ipso quo vellet tribuit.

Quibus praemissis respondet ad argumentum quod sibi proposuerat initio cap. 13. unde litigiosa propositio rescata est, Deus non jubet impossibilia, ergo dat omnibus sufficientem auxilium ad ea facienda quae jubet. Ad quod reponens, Respondemus, inquit, PRÆCEPTA DEI ESSE HOMINI POSSIBILIA, seu posse ab homine fieri, & consequenter hominem EA POSSE FACERE. Etenim si jam justificatus est, habet charitatem seu bonam voluntatem, per quam Deum diligere & consequenter totam legem implere potest. Plenitudo enim legis est dilectio, inquit Apostolus. Si autem fidelis quidem sed nondum iustificatus est, habet aliquid bona voluntatis, quatenus credit, nam ubi est initium fidei, est etiam initium bonae, hoc est pia voluntatis: per hanc autem POTEST mundari, POTEST uberioris auxilium invocare, & consequenter rectè pieque vivere. Quod si etiam fide Christi caret habet liberum voluntatis arbitrium, per quam, uti carni instillanti, ita & spiritui illuminanti consentire, uti peccare, ita & rectè vivere POTEST. Quocumque verò possibilitatis modo ex illis tribus quo jam diximus homo possit praecepta Dei (naturalia) facere, etsi alio modo proximè non possit, satis est, ut si non fecerit, sit inexcusabilis. An non cum Diogenem lucernam accendero in meridie, si ad fulgorem tam confusum & terebrantem aliquid conferte veluero?

Sed audiamus Egregium Doctorem, qui nihil ad assertionum suarum elucidationem reliquum sinit, objectiones sibi ipsi formantem dissolventemque: Quomodo, inquit, non sunt excusati sive fideles sive infideles, qui illo postremo sufficienti adiutorio carent, quandoquidem sine illo praeceptum absolvi implere non possint. Nam reliquis trèss possibilitatis modi imperfecti sunt, quibus praesentibus, si postremus, qui per actualem gratiam datur, non affuerit, non magis hic & nunc & absolvi fieri posse praeceptum dici potest, quam si sine aliis volari posse diceretur. Quomodo igitur non excusati tanta implendi praecepti impotentia? Respondetur duplicem esse praecepti faciendi impotentiam: una ex defectu aliquis, quod non potest quantumlibet magna voluntate, hoc est quantumlibet fortiter volendo, suppleri..... Altera impotentia est, quae ex defectu illius voluntatis seu volitionis oritur, quae si adesset, quantia adesse debet, praeceptum facillime impleretur. Tantummodo enim fortiter volendo impletur, unde si fortiter vult, hoc ipso jam impletum est, & non implendum esse non potest.... Hac impotentia non facienda nullo modo excusati enim, qui non implet, quod praecipitur. Posset enim implere si vellet. Quod si nolueris atque ideo non poteris, quis non cum dixeris pro ipsa in perversa obdurataque voluntate culpandum?

Ex hac igitur duplicis impotentiae distinctione facile apparet, quid ad objectionem istam, quamdiu volumus, respondendum sit: nimirum, impotentiam divina mandata faciendi, qua in peccatoribus reperitur, esse talem, ut non desinant ea implere posse, si voluerint. Velint enim, plenèque velint, mox ut voluerint, implebuntur. Si autem nolint, ideoque non possint, quis nisi nolentibus visio vertat duritiam iniqua voluntatis, secumque defectum potestatis? nam revera defectus talis potestatis non est aliud quàm duritia mala voluntatis, à qua suscepta recedere non posse, non est aliud quam tenaciter nolle.

Quid ad hæc mi Theologe? an adhuc censeas Jansonium decernere mandata Dei non secundum quid sed absolute impossibilia, qui eadem confitetur facillimè impleri, si fortiter, id est plenè perfectèque volueris, qui potestatis illius defectum dicit non esse alium, quàm duritiam mala voluntatis, à qua suscepta recedere non posse non est aliud quàm tenaciter nolle, quod utique adiutorio gratiæ Dei (qui de nolentibus volentes facit) quam primum misericordiæ ejus suavissimæ visum fuerit, fieri velle.

AD CONCLUSIONEM II.

EX dictis diffluit conclusio secunda more nivis ad solis æstum madentis, neque enim de litigiosa propositione *alibi* in aphanis *Janseus* mentem explicavit suam, sed exerce eodem illo ipso, quo eam scripsit Capite, tantà simul luce perfudit, tantis præcautionibus circumsepsit, tot munivit præsidiiis, ut monstro simile sit, tantas in Ecclesia universa ob rem tam obviam facilisque indaginis fuisse tragedias excitatas.

Nihil ergo commune Janseio cum temeraria & à Patribus sub anathemate damnata voce; ac proinde procul in leves ventos abeant theatricæ interrogationes illæ: *Quid virum impulsit ut eâ crederetur? An Tridentinum ignoravit? An sprevit? Iterum dico, quid passus est, ubi voce ista non minus discretè quam Tridentinum venerat, ubi utendum putavit? An alia vox non suppetebat?* Obmutescat in tantum virum injuria vox, at in impem spiritui sui, ut solet, in hac abrupta abreptus est. Et hæc altera etiam inconditior: *Molinismum subruere aggressus est, subruis quantum in ipso fuit, Concilium Tridentinum, & Patres.* Tu potius despice quantum præpetè spiritu abripiare ab illo instituto tuo: incepti modeste, pergam modestius.

Sequitur disceptatio de voce *impossibile* antiquitus usurpatâ: nam memoria rependendum, quod supra monui, *Schedulam* Romanam profligatæ per Tridentinum potentiz non meminisse. Attamen in hanc solam calamum strinxit Vir Eruditus. Operosè ergo nihil agit Theologus, dum pallet & sudat, ut locum Augustini lætæct. libro 1. cap. 22. ad injultos solos coarctet. Nihil enim hoc interest, ut confutetur hæc assertio *Schedulæ*: *Hac voce (impossibilia) neque usus est Augustinus.* Nec profecto quantula differentia est, an præcepta Dei dicantur impossibilia justis avalidâ tantum afflatis gratiâ, an impossibilia injustis, minore etiamnum gratiâ collentibus, vel omni prorsus gratiâ destitutis.

Dein ratio habenda tibi fuerat, ô Theologe, argumenti hujus non inconcinni: certum est apud *Augustinum* non omnibus justis volentibus & conantibus fortem ac potentem à Domino præparari voluntatem, sed omnibus fortem & potentem non habentibus voluntatem opus pietatis impossibile *Augustinus* assertis. Ergo aliquibus justis volentibus & conantibus opus pietatis impossibile ex *Augustino*.